

KIPRAH DAN PEMIKIRAN POLITIK ISLAM TUAN GURU NIK ABDUL AZIZ NIK MAT SEBAGAI TOKOH POLITIK DI KELANTAN (KONSEP ULAMA' DAN UMARA' TAHUN 1990-2013)

Abd Rahman¹ M. Amir Fakhruddin²
Universitas Jambi
abdrahman@gmail.com

ABSTRAK

Kepimpinan Tuan Guru Nik Abdul Aziz Nik Mat berlangsung selama dua dekade yaitu mulai 1990 hingga 2013. Permasalahan yang muncul dalam tulisan ini adalah bagaimana situasi dan lingkungan yang mempengaruhi kehidupan awal Tuan Guru Nik Abdul Aziz Nik Mat yang memimpin Kelantan? dan bagaimana pemikiran politik yang dihasilkan oleh Tuan Guru Nik Abdul Aziz Nik Mat dalam memimpin Kelantan dari tahun 1990 hingga 2013? Tulisan ini akan menjelaskan bahwa Tuan Guru Nik Abdul Aziz Nik Mat adalah seorang pemimpin yang meletakkan Islam sebagai dasar panduan kepemimpinan. Melalui situasi dan lingkungan awal beliau, dapat dilihat keluarga adalah elemen terbesar yang memainkan peranan dalam kehidupan beliau. Beliau dididik dengan nilai-nilai agama sehingga beliau sukses pulang dari mesir pada 1962. Masyarakat menginginkan beliau terus menjabat sebagai Menteri Besar Kelantan karena kiprah dan corak pemikiran beliau berlandaskan nilai-nilai agama dan akhir sekali Tuan Guru Nik Abdul Aziz Nik Mat tidak pernah memisahkan antara ilmuwan (ulama') dan pemimpin (umara'). itulah yang menyebabkan beliau disukai oleh semua lapisan masyarakat serta mampu bertahan begitu lama dari 1990 hingga 2013.

Kata Kunci: Pemikiran Politik, Tuan Guru Nik Abdul Aziz Nik Mat, Ulama' dan Umara'

Pendahuluan

Ibnu Khaldun berpendapat bahwa politik mempunyai peranan dalam kehidupan masyarakat. Politik juga mengajarkan suatu mekanisme yang harus digunakan manusia demi menggapai keamanan. Berusaha agar manusia dapat bekerjasama untuk memenuhi kebutuhan pokok dan mempertahankan diri dari infiltrasi, subversi maupun agresi dari luar.¹ Politik menjaga manusia agar jangan tenggelam dalam gejolak nafsunya yang destruktif.² Oleh sebab itu, bagi Ibnu Khaldun kehidupan politik ini merupakan satu keharusan dalam kehidupan manusia dalam bermasyarakat.³

Malaysia adalah sebuah negara monarki konstitusional yang menganut sistem demokrasi parlementer, dan perdana menteri dipilih oleh rakyat melalui pemilu yang

¹Muhammad Azhar, *Filsafat Politik; Perbandingan antara Islam dan Barat*, (PT RajaGrafindo Persada, 1997) hlm 100.

² Salah satu hal yang tidak dapat disangkal dalam dunia politik adalah paksaan. Menurut Ibnu Khaldun paksaan ini terbagi kepada dua yaitu karena manusia kadang- kadang tidak mengerti akan kepentingannya dan karena penguasa lebih mengutamakan kepentingan pribadi. A. Rahman Zainuddin, *Kekuasaan dan Negara Pemikiran Politik Ibnu Khaldun*, (PT Gramedia Pustaka Utama Jakarta, 1992), hlm 93.

³ Ibid, hlm. 93-94

berlangsung secara reguler setiap lima tahun dari berbagai- bagai provinsi atau negeri di Malaysia.⁴ Malaysia mempunyai 13 buah negeri dan 3 wilayah persekutuan yang ditadbir oleh seorang perdana menteri. Namun dari setiap negeri diwakili oleh Menteri Besar untuk mempolopori barisan kepimpinan negara.

Salah satu negeri yang berpengaruh di Malaysia adalah Kelantan. Kelantan adalah negeri yang berada di pantai timur Malaysia. Kelantan juga merupakan antara negeri yang terawal menerima kedatangan Islam melalui bukti yang ditemukan di kawasan Kota Kubang Labu, Kelantan.⁵ Sehingga sekarang Kelantan masih berfungsi sebagai kawasan penyebaran syiar Islam.

Menurut Hassan al-Banna, seorang tokoh gerakan Ikhwanul Muslimin di Mesir pernah menyatakan bahwa kelahiran tokoh dan generasi bergantung kepada keadaan tanah air dan bangsanya. Ada generasi yang lahir daripada bangsa yang hidup aman dan sejahtera. Malah sebaliknya terdapat juga generasi yang lahir dalam negara yang berjuang menentang penjajahan. Generasi yang berjuang untuk mengembalikan hak mereka yang dirampas. Maka generasi yang lahir dalam keadaan seperti ini menjadikan mereka sebuah generasi yang sedar dan memiliki *iltizam* serta semangat juang yang tinggi.⁶

Begitulah Kelantan melahirkan Tuan Guru Nik Abdul Aziz Nik Mat atau Dato' Bentara Setia Tuan Guru Nik Abdul Aziz Nik Mat,⁷ seorang tokoh yang bukan sahaja seorang ulama' malah merupakan seorang tokoh umara' yang berperanan besar dan sejarah politik Kelantan. Suasana dan tanah air negeri Kelantan yang melatari sejarah perjalanan hidupnya, banyak diwarnakan dengan perjuangan tokoh pahlawan kemerdekaan. Antaranya adalah Tok Kenali yang suatu masa dahulu pernah berjuang demi membebaskan Kelantan daripada cengkaman penjajahan. Seterusnya, perjuangan itu diteruskan oleh tokoh serta ulama' - ulama' lain.⁸

Sebelum Kelantan dipimpin oleh Dato' Ahmad Bin Yakob yang merupakan Menteri Besar Kelantan tahun 2013 sehingga kini, negeri Kelantan ini telah lama dipimpin oleh almarhum Tuan Guru Nik Abdul Aziz bin Nik Mat yang merupakan Menteri Besar negeri bagian Kelantan selama 23 tahun.⁹ Beliau yang menceburkan diri dalam kancah politik

⁴Colin MacAndrews & Mohtar Mas'ud, *Perbandingan Sistem Politik*, (Gadhja Mada University Press, 2008), hlm. 233-244

⁵Bukti penggunaan uang dinar dan emas di Kelantan yang tertulis angka 577 Hijrah, bersamaan dengan 1181 Masehi. Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House Sdn. Bhd., 2011) hlm 26.

⁶Generasi seperti ini yang telah melahirkan Tuan Guru Nik Abdul Aziz Nik Mat sebagai seorang tokoh ulama' yang berpengaruh. Mohd Aizat Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House Sdn. Bhd., 2011) , hlm. 26

⁷Dato' Bentara Setia Tuan Guru Nik Abdul Aziz Nik Mat adalah gelaran penuh beliau. Che' Shamsuddin Othman, *Kelantan 22 Tahun Bukti Kejayaan*, (Kaab Enterprise, 2013) hlm 19.

⁸Tok Kenali adalah seorang pahlawan Melayu yang menentang penjajahan British di Tanah Melayu khususnya di Kelantan. Mohd Aizat Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House Sdn. Bhd., 2011), hlm. 26.

⁹Beliau mengangkat sumpah sebagai Menteri Besar Kelantan pada 24 Oktober 1990 dan sebagai Menteri Besar Kelantan ke-17 dan bertahan sehingga 2013. Ibid, hlm 42.

seawal tahun 1967¹⁰ telah memegang jawatan sebagai Mursyidul 'Am dan pengerusi Majlis Syura Ulama PAS yang merupakan jawatan tertinggi dalam Partai Parti Islam Semalaysia (PAS). Kelantan mengangkat Tuan Guru Nik Abdul Aziz atau lebih dikenali sebagai Tok Guru sebagai pendukung karena rakyat Malaysia khususnya warga Kelantan begitu mengagumi serta memandang tinggi beliau sebagai seorang pemimpin yang meletakkan agama Islam sebagai dasar perpaduan serta landasan pemerintahan.¹¹ Beliau juga dikatakan sering bersederhana dalam menerajui kepimpinan serta menampilkan sikap rendah diri dalam apapun keadaannya.

Sebelum beliau menelusuri dalam bidang politik, Tuan Guru telah mendapat pendidikan tinggi yang begitu mantap. Pada dasarnya beliau dididik oleh ayahnya sendiri Haji Nik Mat atau lebih dikenali sebagai Tok Ku Nik Mat sebelum melanjutkan studi ke Madrasah Ittifaqiah yang diasaskan oleh ulama' dari Universiti Darul Ulum Deoband, India seterusnya beliau merantau ke Pakistan. Anwar Saadat¹² dari Mesir pula menawarkan beliau untuk menyambung studi ke Universiti al-Azhar, Kaherah di Mesir. Beliau pulang ke tanah air pada 1962 dan mulai menjadi ahli partai politik pada tahun 1967.¹³ Beliau mengawali aktivitasnya sebagai calon dalam pilihan raya kecil untuk Parlimen Kelantan Hilir sebelum beliau dilantik menjadi Menteri Besar Kelantan pada 1990.¹⁴

Menurut tulisan Dato' Dr. Asyraf Wajdi Dusuki, Islam tidak pernah memisahkan agama dan politik. Namun realitas dunia kini memerlukan wujudnya kepelbagaian peranan dan pengkhususan tanggungjawab mengikut kemahiran dan keupayaan setiap individu.¹⁵ Sebagai contoh sekiranya suatu urusan itu amat memerlukan kepakaran tertentu, maka hendaklah diutamakan pemilihan sesuai dengan kepakarannya.¹⁶

Tuan Guru Nik Abdul Aziz Nik Mat ini sudah dianggap sebagai salah satu tokoh agama yang tersohor dan berpengaruh. Tidak asing lagi bagi rakyat Malaysia khususnya negeri Kelantan mengagumi serta memandang tinggi beliau dari sudut agama. Namun hari ini penulis ingin meneliti sejauh mana seorang tokoh agama ini bergerak dalam bidang politik yang semakin hari dipenuhi dengan ungkapan negatif.

Pada tanggal 20 Oktober 2010, genap 2 dekade atau 20 tahun kepimpinan Tuan Guru Nik Abdul Aziz menerajui negeri Kelantan berlandaskan Islam, dengan slogan yang cukup popular, 'Membangun Bersama Islam'. Dua dekade bukan suatu tempoh yang singkat bagi

¹⁰ Setelah selesai pengajiannya di Mesir pada 1962, beliau menyertai partai PAS pada 1967. Ibid, hlm 36.

¹¹ Kajian diterbitkan oleh Royal Islamic Studies Center dalam buku *The 500 Most Influential in the World* yang meletakkan Tuan Guru Nik Abdul Aziz Nik Mat dipilih sebagai tokoh dan pemimpin Muslim yang paling berpengaruh di dunia dan tersenarai dalam kedudukan ke-42 individu paling berpengaruh. <https://pemudasarawak.wordpress.com/2009/page/195>

¹² Ketika itu Mesir di bawah pimpinan kerajaan kerajaan Anwar Saadat. Mohd Aizat Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House Sdn. Bhd., 2011), hlm. 30.

¹³ Ibid, hlm 30.

¹⁴ Beliau mempertahankan kedudukan Parlimen Kelantan Hilir sehingga 1969. Ibid, hlm. 30.

¹⁵ Walaupun Islam tidak memisahkan antara agama dan politik, namun pengkhususan kerja haruslah sejajar dengan keupayaan. Asyraf Wajdi Dusuki, *Politik Islam dan Melayu*, (Yayasan Dakwah Islamiah Malaysia YADIM, 2014), hlm. 202.

¹⁶ Ibid, hlm 13.

sebuah partai untuk memimpin kerajaan khususnya kerajaan pusat. Namun, seperti mana yang diketahui, Malaysia juga sebuah negara politik yang diteraskan oleh sistem demokrasi yang mempunyai sebuah perlembagaan yang begitu teliti. Masyarakat kini juga mulai mengatakan sistem politik di negeri Kelantan adalah semakin merosot. Pemikiran berteraskan dunia yang serba canggih ini mempersoalkan keberkesanan strategi politik Islam terhadap masyarakat setempat.

Ini juga menunjukkan sebuah sejarah baru Malaysia apabila seorang lelaki bergelar ulama' menjadi salah seorang anggota penting dalam Dewan Parlimen yaitu Menteri Besar Kelantan yang berbeda dengan menteri besar negeri lain di Malaysia. Maka tulisan ini akan menampilkan sebuah perspektif baru tentang Tuan Guru Nik Abdul Aziz Nik Mat dari sudut kiprah serta pemikiran politik di Kelantan yaitu tanah pimpinan beliau. Berbanding dengan tulisan lain yang hanya meletakkan beliau sebagai seorang ulama' saja di kaca mata masyarakat. Oleh karena itu, studi konsep ulama' dan umara' ini melihat bagaimana pemerintahan beliau selama 23 tahun sebagai Menteri Besar Kelantan.

Metode Penelitian

Dalam tulisan ini penulis menggunakan metode sejarah dengan analisis deskriptif kualitatif untuk menjelaskan sejarah awal kehidupan Tuan Guru Nik Abdul Aziz Nik Mat, corak kiprah dan aktivitas politik beliau semasa memimpin Kelantan, dan pemikiran politik yang dihasilkan Tuan Guru Nik Abdul Aziz Nik Mat sehingga beliau mampu bertahan selama dua dekade dari tahun 1990 hingga 2013.

Hasil dan Pembahasan

Sejarah Awal Tuan Guru Nik Abdul Aziz Nik Mat

1. Keluarga Sebagai Pembentuk Kepribadian

Menurut sejarah, Tuan Guru Nik Abdul Aziz Nik Mat mempunyai hubungan kekeluargaan dengan keturunan Raja Jembal yang pernah menguasai tampuk pemerintahan Raja Jembal berpusat di Kedai Lalat, Kelantan. Raja Jembal merupakan keturunan yang bermula daripada Raja Sakti yaitu pengasas kepada wilayah pemerintahan Raja Jembal di bagian timur laut negeri Kelantan.¹⁷ Salah satu keturunan daripada Raja Sakti yang mangkat pada 1649 adalah Raja Banjar yang merupakan datuk atau kakek kepada Tuan Guru Nik Abdul Aziz Nik Mat.

Raja Banjar adalah seorang yang sangat mencintai ilmu serta para ilmuan dan ulama'. Beliau juga berkebolehan dalam membaca kitab-kitab lama serta menguasai ilmu tajwid dan

¹⁷ Kewujudan kerajaan ini adalah sezaman dengan kerajaan Cik Siti Wan Kembang di Gunung Citra Wangsa, Ulu Kelantan pada 1610M. Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 23.

tafsir. Namun karena terlalu banyak budaya dengan unsur-unsur syirik di Kelantan yang dipengaruhi oleh kesultanan Hindu ketika itu sangat membatasi penyebaran syiar Islam.¹⁸

Haji Nik Mat adalah anak kepada Raja Banjar. Beliau merupakan ulama' terkenal di Kelantan sekitar tahun 1960-an. Beliau juga dikenali sebagai Tuan Guru Haji Nik Mat bin Raja Banjar. Beliau juga mendapat gelar Haji Nik Mat Alim karena watak dan kepribadiannya. Beliau juga pernah dilantik sebagai anggota ulama' Majlis Agama Islam dan Adat Istiadat Islam Melayu Kelantan (MAIK) di bawah pimpinan Dato' Haji Ahmad Mahir yaitu mufti Kerajaan Negeri Kelantan ketika itu.¹⁹

Sisi lain, Haji Nik Mat ini dikenali sebagai 'Haji Nik Mat Pongoh' dalam penduduk lingkungan Pulau Melaka. Beliau digelaran sebegini kerana dikatakan bersikap keras dan bengis terhadap murid-muridnya termasuk anaknya sendiri.²⁰ Ini merupakan salah satu proses pengajaran dan pendidikan beliau terhadap anak-anaknya. Bagi beliau, disiplin merupakan aspek yang patut diambil berat. Sebagai contoh didikannya, beliau mewajibkan kepada Tuan Guru Nik Abdul Aziz supaya bangun pada setiap hari seawal jam empat pagi bagi mengerjakan solat sunat tahajud. Tuan Guru Nik Abdul Aziz juga diminta agar membaca dan menghafaz Al-quran sesudah menunaikan solat subuh serta mengulangkaji pelajaran sehingga menjelang waktu zuhur.²¹

Selain menekankan aspek ilmu dan kerohanian, beliau juga mendedahkan kepada anak-anaknya ilmu pertanian. Setiap hari sebelum menjelang waktu maghrib, beliau akan membawa anaknya ke kebun buah-buahan dan getah di samping membuka tanah-tanah baru untuk dijadikan sebagai kawasan pertanian. Hal yang menarik adalah beliau akan membayar upah 50 sen kepada setiap anaknya yang berjaya menggali lubang untuk menanam sebatang pohon.²²

Pada dasarnya, Haji Nik Mat mempunyai pendidikan yang bagus dari bidang agama. Beliau juga sempat berguru dengan Tok Khurasan yaitu seorang ulama' yang berhijrah ke Kelantan dan berasal dari Afghanistan. Hasil pendidikannya, beliau dapat menguasai ilmu mantik dan bahasa arab serta mendalami ilmu tafsir dan hadith.²³ Di samping didikan seorang bapa sebagai ketua keluarga, terdapat juga peran seorang ibu yaitu Aminah binti Majid yang telah banyak berjasa sehingga mencorakkan anak-anak yang berjaya khususnya Tuan Guru Nik Abdul Aziz Nik Mat.

2. Pendidikan Awal Tuan Guru Nik Abdul Aziz Nik Mat

¹⁸ Ibid. hlm. 23.

¹⁹ Ibid. hlm. 24.

²⁰ Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm.13.

²¹ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 24.

²² Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm.16.

²³ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 25.

Dapat disimpulkan bahwa ayah kepada Tuan Guru Nik Abdul Aziz ini seorang ulama' yang sangat tegas dalam bidang agama khususnya kasus khurafat dan syirik yang berlaku terhadap masyarakat Melayu Kelantan itu. Begitu jugalah yang turut mejadi pegangan Tuan Guru Nik Abdul Aziz Nik Mat yang secara langsung menerima pendidikan daripada ayah kandungnya sendiri.²⁴ Tuan Guru Nik Abdul Aziz juga belajar bersama-sama pelajar lain di bawah didikan Haji Nik Mat. Ketika beliau berusia enam tahun, beliau juga menerima pendidikan seperti anak-anak lainnya yaitu bersekolah secara formal di Sekolah Kebangsaan Kedai Lalat, Kelantan.

Atas permintaan ayahnya, Tuan Guru memakai celana panjang ke sekolah dibandingkan anak-anak lain memakai celana pendek saja.²⁵ Persekolahan di sekolah kebangsaan diceritakan tidak lama karena Tuan Guru digambarkan lebih cenderung kepada pengajian bidang agama. Tuan Guru kemudian meneruskan pendidikan di Kubang Kerian, Kelantan yaitu pusat pengajian berbentuk pesantren atau pondok yang diasaskan oleh tokoh ulama' Nusantara, Tok Kenali.

Tuan Guru menunjukkan minat yang mendalam dan membolehkan beliau menghafal beberapa kitab-kitab Matan serta mampu membaca kitab-kitab yng berbahasa arab. Ketika usia meningkat remaja, beliau menyambung pendidikannya di Madrasah Ittifaqiyah di Besut, Terengganu.²⁶ Madrasah yang dibangunkan pada 1947 ini didirikan oleh dua tokoh ulama' yang mendapat pendidikan dari Universiti Darul Ulum Deoband. Mereka adalah Tuan Guru Haji Abbas dan Ustaz Abdullah bin Ahmad.

Pada tahun 1952, beliau meneruskan pendidikannya di India yaitu di Universiti Darul Ulum, Doeband. Beliau dihantar sendiri oleh gurunya, Ustaz Abdullah Bin Ahmad. Selama lima tahun Tuan Guru Nik Abdul Aziz di India, beliau berkesempatan menuntut ilmu dengan guru hadis terkenal yaitu Maulana Hussain Ahmad Madani, Maulana Mahmud Hasan, dan Maulana Sheikh Ali.²⁷ Kemudian pada 1957, beliau mendapatkan pendidikan dalam bidang tafsir Al-quran di Lahore, Pakistan.

Pendidikan Tuan Guru Nik Abdul Aziz Nik Mat tidak hanya berhenti di Pakistan saja. Karena minat yang mendalam terhadap ilmu khususnya bidang agama, beliau meneruskan pengajiannya di kawasan Timur Tengah yaitu di Mesir. Tuan Guru Nik Abdul Aziz mendapat tawaran daripada Mukhtar Islam²⁸ untuk melanjutkan pelajarannya di Universiti Al-Azhar, Mesir. Walaupun ketika itu usia Tuan Guru Nik Abdul Aziz Nik Mat dikatakan mencapai 30 tahun namun ia tidak membatasi usaha beliau yang minat terhadap bahasa Arab. Beliau

²⁴ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 29.

²⁵ Haji Nik Mat dikatakan tidak suka melihat anak-anak laki memakai celana pendek lantas itu Tuan Guru Nik Abdul Aziz memakai celana panjang. Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm.29.

²⁶ Madrasah ini juga dikenali dengan nama Madrasah Tuan Guru Haji Abbas. Ibid. hlm. 30.

²⁷ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 29.

²⁸ Ketika itu Mukhtar Islam dipimpin oleh Raja Saudi, Al-Malik Faisal dan Presiden Mesir Anwar Sadat. Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm.32.

menduduki jurusan Bahasa Arab dan meningkatkan penguasaannya dalam ilmu-ilmu bahasa Arab seperti balaghah, syair dan sebagainya.²⁹

Pengajiannya di Mesir tidak hanya tertumpu kepada jurusan Bahasa Arab saja tetapi juga dalam jurusan Perundangan Islam (Syariah). Beliau juga berkesempatan mempelajari kitab Al-Umm tulisan Imam As-Syafie, kitab Fathul Bari tulisan Ibnu Hajar Al-Asqalani, dan kitab-kitab ulung yang lain. Dalam hanya tempoh empat tahun, Tuan Guru Nik Abdul Aziz berhasiilkan menamatkan pendidikannya di Al-Azhar pada tahap Sarjana dalam bidang Bahasa Arab dan Pasca Sarjana dalam bidang Perundangan Islam (Syariah).³⁰ Suatu tempoh yang begitu singkat bagi seorang mahasiswa untuk menyelesaikan pengajiannya sehingga ke tahap Pasca Sarjana. Ini jelas membuktikan Tuan Guru Nik Abdul Aziz Nik Mat merupakan salah seorang mahasiswa terbaik ketika itu.

3. Guru Sebagai Medan Dakwah

Hampir 12 tahun di luar negara, akhirnya pada 1962 Tuan Guru Nik Abdul Aziz Nik Mat pulang ke tanah air. Beliau juga menamatkan zaman bujangnya pada usia 31 tahun dengan menikahi seorang gadis pilihan orang tuanya yaitu Tuan Sabariah Bt Tuan Ishak pada November 1962.³¹ Namun begitu, naluri beliau yang senantiasa ingin berbakti kepada masyarakat itu dimulai dengan menjadi guru dan tenaga pengajar di Maahad Tarbiyah Mardiah, Panchor di Kelantan.³² Namun khidmat beliau di kawasan Panchor tidak lama. Ayahnya, Haji Nik Mat Alim mendirikan sekolah sendiri yaitu Sekolah Agama Darul Anuar. Sekolah itu juga di desa mereka Pulau Melaka. Oleh karena itu, Tuan Guru Nik Abdul Aziz Nik Mat kemudiannya berpindah mengajar di sekolah Agama Darul Anuar itu.

Tuan Guru Nik Abdul Aziz tidak hanya tertumpu mengajar kepada anak-anak saja. Namun selepas Kementerian Pembangunan Luar Bandar mewujudkan kelas dewasa bagi membasmi masalah buta huruf dalam kalangan masyarakat, Tuan Guru Nik Abdul Aziz antara tenaga pengajar yang diminta untuk berkhidmat di situ. Beliau menyifatkan masalah buta huruf akan terus menghalang masyarakat daripada mempunyai kesadaran ilmu yang baik. Kemudian tanpa ilmu, mustahil mereka mampu beramal dengan betul. Oleh karena itu, Tuan Guru Nik Abdul Aziz Nik Mat berasa bertanggungjawab bagi membantu menangani hal ini. Beliau kemudiannya dilantik menjadi penyelia bagi Kelas Dewasa atau dikenali sebagai KEMAS.³³ Namun penglibatan Tuan Guru Nik Abdul Aziz dalam KEMAS tidak lama. Atas beberapa alasan serta masalah, beliau meletak jabatan selepas dua tahun berkhidmat di situ. Walaupun dilanda masalah tersebut, namun ini tidak menghentikan beliau daripada meninggalkan dunia pendidikan sebagai salah satu medium dakwah. Setelah itu Tuan Guru Nik Abdul Aziz Nik Mat berbakti pula kepada Sekolah Menengah Agama Maahad

²⁹ Ibid. hlm. 32.

³⁰ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 30.

³¹ Surtahman Kastin Hasan & Norfadzilah Ahmad, *PEMIKIRAN TUAN GURU DATO' HJ NIK ABDUL AZIZ NIK MAT DALAM EKONOMI*, (Jurnal Usuluddin, 2004). hlm. 72.

³² Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm.36.

³³ Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm.38.

Muhammadi Lil Banin, Kelantan yaitu merupakan salah satu sekolah yang terkenal di Malaysia.³⁴

Almarhum Tuan Guru Nik Abdul Aziz Nik Mat pernah berkata bahwa seorang guru atau pendakwah itu sebagai doktor dan orang jahil itu sebagai pasien yang memerlukan rawatan. Sekiranya seorang doktor perlu berada di tengah-tengah pesakit, begitu juga seorang guru wajib berada di tengah-tengah rakyat yang jahil. Itulah apa yang dipikirkan oleh Tuan Guru Nik Abdul Aziz Nik Mat untuk berbakti kepada masyarakat di samping berdakwah membawa masyarakat kekal dalam landasan syariah.

4. Politik Sebuah Kehidupan Baru

Penglibatan Tuan Guru Nik Abdul Aziz Nik Mat dalam bidang politik dimulai sewaktu beliau dipilih menjadi calon dalam pilihan raya kecil bagi Parlimen Kelantan Hilir pada tahun 1967. Walaupun ketika itu beliau merasakan begitu berat sekali untuk melepaskan kerjaya beliau sebagai seorang warga pendidik namun beliau tetap memilih untuk bergiat dalam arena politik karena merasakan ini merupakan sebuah tanggungjawab dan amanah bagi memimpin ummah masyarakat ketika itu.

Sewaktu Tuan Guru Nik Abdul Aziz Nik Mat pulang ke tanah air pada 1962 lagi, terdapat kasus di mana golongan ulama' ini ditangkap tanpa dibincang terlebih dahulu. Semua guru-guru agama yang sedikit menonjol akan ditangkap di bawah akta ISA tanpa siasatan. Hal ini juga mendorong kepada perhatian Tuan Guru Nik Abdul Aziz yang berpendapat kasus seperti ini tidak selayaknya diperlakukan terhadap golongan ulama' yang ditangkap tanpa diajak muzakarah.³⁵ ini juga dikatakan salah satu faktor penglibatan Tuan Guru Nik Abdul Aziz Nik Mat dalam arena politik karena pandangannya merasakan bertanggungjawab bagi membantu golongan ulama'. Beliau juga yakin yang kedudukannya sebagai ahli parlimen akan memberi peluang yang lebih baik serta mampu memperkenalkan pemikiran Islam di Dewan Rakyat.

Kisah politik Tuan Guru Nik Abdul Aziz ini bermula apabila jabatan yang dipegang oleh Tuan Haji Ahmad Abdullah ketika itu meninggal dunia dan terjadilah kekosongan jabatan Parlimen Kelantan Hilir atau sekarang dikenali sebagai Pangkalan Chepa.³⁶ Ketika itu beliau masih lagi mengajar di Maahad Muhammadi, Kelantan. Dato' Asri³⁷ mengundang beliau ke rumahnya bersama ahli-ahli jabatan partai Parti Islam Semalaysia (PAS) yang lain dan memutuskan untuk meletakkan Tuan Guru Nik Abdul Aziz Nik Mat bagi bertanding mewakili partai PAS dalam Pilihan Raya Kecil Kelantan Hilir pada Oktober 1967.³⁸

³⁴ Ibid. hlm. 39

³⁵ Ramai ulama' Kelantan ditangkap bawah akta ISA di bawah kawasan Batu Gajah ketika itu. Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm.46

³⁶ Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm. 45.

³⁷ Dato' Asri merupakan Pesuruhjaya PAS Kelantan ketika itu. Ibid. hlm. 55

³⁸ Ibid. hlm. 48.

Beliau merasakan pantas baginya untuk mewakili partai tersebut. Beliau juga bersetuju karena PAS merupakan sebuah partai yang memperjuangkan agama Islam. Kurang lebih selepas 3 hari menjadi ahli partai PAS kemudiannya beliau bertanding serta memenangi jabatan Parlimen Kelantan Hilir. Di situ bermulalah khidmat beliau sebagai wakil rakyat yang membawanya kepada perjalanan politik yang jauh dan mencabar.

Semenjak dari itu, kehidupan Tuan Guru Nik Abdul Aziz Nik Mat berubah. Beliau kini sibuk dengan tugas baru beliau yaitu sebagai ahli parlimen. Tuan Guru Nik Aziz juga mempunyai satu tabiat unik. Beliau selalu berulang alik dari rumahnya di Kelantan ke Kuala Lumpur. Berbanding dengan wakil rakyat dan ahli parlimen lain yang memilih bagi menetap di Kuala Lumpur bagi memudahkan urusan masing-masing. Beliau bukan saja sanggup berulang alik dari Kelantan ke Kuala Lumpur bahkan beliau masih meneruskan kewajiban beliau mengajar di Masjid Pulau Melaka pada setiap minggu. Walaupun sibuk dengan tugas sebagai seorang ahli parlimen namun beliau tetap mencuri masa bagi memenuhi tanggungjawabnya sebagai seorang ketua keluarga.

Tuan Guru Nik Abdul Aziz Nik Mat pernah mengatakan bahwa beliau selesa dengan kedudukannya sebagai seorang ahli parlimen yang mewakili partai yang memperjuangkan dasar Islam.³⁹ Ucapan pertama beliau di Dewan Parlimen juga berkenaan bahaya kegiatan judi mengikut perspektif Islam secara keseluruhan.⁴⁰ Ini jelas membuktikan bahwa beliau seorang yang memperjuangkan dakwah Islam walaupun beliau sudah menjadi ahli Parlimen Kelantan Hilir.

Nama Tuan Guru Nik Abdul Aziz Nik Mat lagi yang tersenarai dalam pilihan raya yang berikutnya. Pencalonan beliau tidaklah diterima baik oleh semua pihak. Namun begitu hasil undian menunjukkan bahwa beliau masih berhak menjabat sebagai seorang ahli Parlimen Kelantan Hilir. Beliau ternyata kekal mempertahankan kedudukannya sehingga 1969.

Tahun 1969 sehingga 1978 merupakan antara tahun yang mencabar dalam arena politik serta kepemimpinan di Malaysia.⁴¹ Semua partai termasuk PAS tidak terkecuali dalam gejolak permasalahan ini. Pada pilihan raya tahun 1978, partai Parti Islam Semalaysia mengalami kekalahan yang teruk dan mengakibatkan kehilangan majoritas di Kelantan. Kekalahan teruk ini menyebabkan PAS Kelantan disusun semula pada setiap peringkat. Antara nama yang sering dicalonkan adalah nama Tuan Guru Nik Abdul Aziz Nik Mat untuk menjabat jabatan-jabatan di dalam partai. Namun beliau digambarkan lebih senang kekal sebagai ahli biasa PAS tanpa sebarang jabatan partai. Ini menyukarkan beberapa orang tokoh PAS yang menginginkan beliau mengambil peranan yang lebih penting dalam PAS.⁴²

Penyusunan semula partai PAS terjadi akibat perletakan jabatan oleh Datuk Haji Ishak Lotfi Omar sebagai pesuruhjaya PAS. Setelah itu, pihak atasan PAS membentuk

³⁹ Ibid. hlm. 52.

⁴⁰ Ibid. hlm. 52.

⁴¹ Antara peristiwa penting adalah rusuhan kaum antara Melayu dan Cina yang berlaku pada 13 Mei 1969. Ibid. hlm. 52.

⁴² Ibid. hlm. 59.

sebuah Jemaah Pesuruhjaya yang dipengerusikan oleh bekas ahli exco Kelantan, Haji Muhammad Amin Yaakub. Namun di atas sebab-sebab tertentu Haji Muhammad Amin Yaakub ini meletakkan jabatannya. Sewaktu beliau meletakkan jabatan, beliau telah mencadangkan supaya Tuan Guru Nik Abdul Aziz Nik Mat dilantik sebagai Pesuruhjaya PAS negeri Kelantan ketika itu.⁴³ Namun pihak yang bertanggungjawab melantik pesuruhjaya di setiap negeri adalah pihak PAS Pusat. Pihak PAS Pusat juga dikatakan sudah mempunyai calon sendiri sebagai pengganti Haji Muhammad Amin sebagai Pesuruhjaya PAS Kelantan. Akhirnya hasil usaha dari sahabat-sahabat PAS, pimpinan dari PAS Pusat menerima juga Tuan Guru Nik Abdul Aziz Nik Mat sebagai Pesuruhjaya PAS Negeri Kelantan. Pelantikan Tuan Guru Nik Abdul Aziz sebagai Pesuruhjaya PAS Kelantan itu dibuat sebelum berlangsungnya Muktamar PAS di dewan Bahasa dan Pustaka di Kuala Lumpur pada tahun 1982.⁴⁴

Di sebalik pencalonan Tuan Guru Nik Abdul Aziz sebagai Pesuruhjaya PAS Kelantan, terdapat peristiwa penting yang membuatkan beliau bersetuju untuk memegang amanah yang besar ini. Pada awalnya beliau bahkan tidak tertarik dengan jabatan yang akan diberikan kepadanya. Namun, wakil dewan Pemuda PAS tempatan yang terdiri daripada Ustaz Abdul Halim Abdul Rahman, Haji Hashim Omar dan beberapa orang lagi datang menemui beliau di rumahnya kawasan Masjid Pulau Melaka. Dalam perjumpaan ini rombongan pemuda PAS ini menjelaskan betapa pentingnya Tuan Guru Nik Abdul Aziz Nik Mat untuk mengambil alih puncak pimpinan PAS Negeri Kelantan. Namun beliau masih tidak menerima alasan-alasan yang dikemukakan oleh rombongan tersebut karena beranggapan bahwa ada calon lain yang lebih layak daripada beliau untuk mengendalikan jentera PAS Kelantan ini. Akhirnya setelah berbincang, Tuan Guru Nik Abdul Aziz menerima pelantikan beliau sebagai Pesuruhjaya PAS Negeri Kelantan yaitu merupakan sebuah amanah yang besar buat dirinya untuk berbakti kepada negeri kelahirannya sendiri.⁴⁵

Perlantikan ini merupakan salah satu momen penting buat diri beliau sendiri apabila diberi kepercayaan yang tinggi menjabat sebagai pesuruhjaya.⁴⁶ Keadaan politik yang tidak stabil ketika itu jelas mencabar Tuan Guru Nik Abdul Aziz dalam memimpin partai berkenaan. PAS era baru dengan pimpinan beliau sangat tampak berbeda dengan terdahulu. PAS lebih banyak menganjurkan kuliah-kuliah ilmu dan agama, usrah dan ceramah-ceramah awam. Inilah yang dikatakan bermula era kepemimpinan ulama' di Kelantan.⁴⁷ Masjid Pulau Melaka yang menjadi tempat beliau mengajar pada setiap minggu juga dirasakan semakin penuh dengan sambutan dari berbagai pihak. Kuliah yang diajar pada malam khamis dan jum'at itu semakin ramai pengunjunnya. Bukan saja warga Kelantan, malah mereka yang dari luar turut sanggup menghadirinya.

⁴³ Jabatan Pesuruhjaya PAS Kelantan merupakan jabatan yang tertinggi dalam partai PAS di negeri Kelantan. Ibid. hlm. 60.

⁴⁴ Ibid. hlm. 62.

⁴⁵ Antara hujah yang digunakan untuk memujuk hati beliau adalah "Apabila seseorang itu dipilih sebagai pemimpin, sedangkan dia mempunyai kelebihan atas yang lain, adalah tidak wajar dia menolak pemilihan itu". Ibid. hlm. 63.

⁴⁶ Jabatan pesuruhjaya adalah lebih kepada sistem pengurusan partai. Ibid. hlm. 63.

⁴⁷ Era Kepimpinan Ulama' ini bermula dengan pelantikan Tuan Haji Yusuf Rawa sebagai Yang diPertua PAS Pusat. Ibid. hlm. 66.

Setelah usaha demi usaha dilakukan sehinggalah pada pilihan raya 1990. Tahun 1990 ini merupakan tahun penting bagi rakyat Kelantan dan juga diri Tuan Guru Nik Abdul Aziz Nik Mat. Pengundi- pengundi negeri Kelantan ternyata telah mulai menyokong PAS apabila majoritas tempat pengundian di Kelantan dimenangi oleh partai PAS. Kemenangan besar ini jelas menunjukkan kepemimpinan ulama' sangat dibutuhkan oleh rakyat karena agama itu adalah pelengkap hidup.

Ketika ahli-ahli PAS meraikan kemenangan mereka di serata tempat, berbeda pula dengan Tuan Guru Nik Abdul Aziz Nik Mat. Beliau bahkan duduk di rumah, solat dan berdoa. Menurut padangan beliau, beliau tidak takutkan kekalahan. Yang cukup dibimbangi oleh beliau adalah godaan yang datang selepas kemenangan. Sesungguhnya beban sebuah amanah ini terlalu berat.

Sebaik saja meraih kemenangan besar di Kelantan, pastinya pimpinan Kelantan yang baru ini memerlukan seorang pemimpin. Tentulah yang dirasakan layak adalah Tuan Guru Nik Abdul Aziz Nik Mat yang menjabat sebagai Pesuruhjaya PAS Kelantan dan Ketua Dewan Ulama' PAS Pusat. Kemenangan yang diraih ketika itu juga disifatkan hasil strategi beliau.

Rombongan dari Dewan PAS yang diketuai oleh Zulkifi sampai ke rumah Tuan Guru Nik Abdul Aziz di Pulau Melaka itu. Dikatakan ketika itu beliau menyambut rombongan Zulkifli ini dengan badan yang ketara gementarnya seperti sudah dimaklumkan tujuan kedatangan mereka. Rombongan pertama PAS yang ingin memujuk Tuan Guru Nik Abdul Aziz Nik Mat untuk bersetuju dengan pimpinan PAS agar melantik beliau menjadi Menteri Besar Kelantan ternyata gagal. Beliau dikatakan tidak sanggup memikul amanah ini karena bimbang tidak dapat menjalankan tugas itu.

Satu demi satu rombongan yang datang menghadap Tuan Guru Nik Abdul Aziz bagi mengimpikannya memimpin Kelantan. Namun semuanya ditolak dengan baik oleh beliau dengan alasan yang sama. Akhirnya Dewan PAS Pusat memutuskan untuk melantik beliau sebagai Menteri Besar Kelantan.⁴⁸ Tuan Guru Nik Abdul Aziz terpaksa menerimanya walaupun dalam keadaan berat hati. Pada tahun 1990 tercatat dalam sejarah Malaysia buat pertama kali jabatan Menteri Besar dipegang oleh lelaki yang bergelar ulama'. Bermulalah era pimpinan baru Tuan Guru Nik Abdul Aziz Nik Mat sebagai Menteri Besar Kelantan yang bertahan sehingga 2010.⁴⁹

Pemikiran Tuan Guru Nik Abdul Aziz Nik Mat

1. Konsep Dakwah

Salah satu konsep pemikiran Tuan Guru Nik Abdul Aziz Nik Mat adalah berdakwah dalam kepemimpinan terhadap muslim maupun non-muslim. Aktivitas rutin mingguan beliau adalah memberi kuliah di Masjid di Pulau Melaka kepada masyarakat. Ini jelas membuktikan

⁴⁸ Ibid. hlm. 90.

⁴⁹ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 31.

Tuan Guru Nik Abdul Aziz Nik Mat aktif dalam kegiatan dakwah secara terbuka. Hal yang menarik berkaitan konsep dakwah beliau adalah beliau sentiasa meletakkan unsur dakwah ini dalam setiap corak serta kiprah kepemimpinan beliau semasa memimpin Kelantan.

Sekiranya sesebuah negeri itu dilanda masalah sosial remaja dan masyarakat, mungkin yang akan diutamakan untuk menjadi sebuah solusi adalah pendidikan. Bagi Tuan Guru Nik Abdul Aziz Nik Mat, tidak hanya pendidikan menjadi solusi masalah sosial masyarakat bahkan beliau sendiri mengeluarkan perintah berpakaian sopan dan mematuhi ajaran Islam.⁵⁰ Di dalam seni dakwah juga diterapkan sikap tolong-menolong di antara semua golongan bagi menghasilkan gerakan dakwah yang berkesan.⁵¹ Ini tidak tertumpu kepada golongan dewasa atau golongan pemimpin saja. Di samping itu menukarkan iklan-iklan di sekitar Kelantan kepada iklan yang menutup aurat dan bertulisan jawi merupakan sebuah contoh yang unik dalam konsep dakwah beliau.

Pada bab sebelumnya telah banyak membahaskan perihal hiburan dalam negeri Kelantan. Seperti yang diketahui Tuan Guru Nik Abdul Aziz Nik Mat tidak pernah mengharamkan hiburan terhadap masyarakat, malah mengawalinya serta mengubah kepada sebuah manfaat kepada rakyat Kelantan. Pada penghujung tahun 2015, kerajaan Kelantan di bawah pimpinan beliau mengadakan Konsert Tautan Kasih bersempena dengan pelancaran Majlis Perbandaran Kota Bharu (MPKB) sebagai bandaraya Islam pada 30 September 2005. Beberapa selebriti tanah air juga diundang bagi memeriahkan konsert tersebut dan ini telah menjadi isu dan pelbagai persepsi masyarakat negeri Kelantan. Namun selebriti yang dijemput ke konsert tersebut adalah orang-orang yang baik dari segi akhlak, pakaian dan sosialnya terhadap lingkungan yaitu kumpulan nasyid Rabbani, Mawi dan Akhil Hayy.⁵² Pada pandangan Tuan Guru Nik Abdul Aziz Nik Mat sendiri, mereka sebagai selebriti juga mampu menjadi ikon dalam bidang dakwah.

Konsep dakwah yang dilakukan oleh Tuan Guru Nik Abdul Aziz Nik Mat tidak hanya melalui sosial dan kemasyarakatan, malah ia juga mencakupi bidang pemerintahan Kelantan. Beliau juga tidak membataskan gerakan dakwah ini terhadap golongan muslim saja bahkan beliau juga berusaha untuk mendapatkan perhatian golongan non-muslim untuk melihat keindahan agama Islam.

Beliau bersama kerajaan negeri Kelantan membina pula masjid berkonsepkan seni budaya kaum Cina yang diberi nama Masjid Jubli Perak sekitar Rantau Panjang. Hal-hal seperti ini jelas menunjukkan inisiatif dakwah bukan hanya satu. Malah pada sudut perspektif Tuan Guru Nik Abdul Aziz Nik Mat dakwah merupakan sebuah pendekatan melalui berbagai cara seperti yang ditampilkan melalui aktivitas politik beliau.

⁵⁰ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 48.

⁵¹ Nik Abdul Aziz Nik Mat, *Bicara Ini Demi Ilahi*, (Karya Bestari Sdn Bhd & Grup Buku Karangkrat, 2013). hlm. 158.

⁵² Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 101.

Telah terjadi satu isu di mana Setiausaha DAP Perak, YB Nga Kor Ming membaca sepotong ayat al-Quran dalam ceramah umumnya di hadapan orang Islam. Ia malah menjadi kontroversi dan isu yang kerap dibahaskan di Malaysia ketika itu. Dari satu sudut, Mufti Negeri Perak Dato' Seri Harussani bin Zakaria bertindak mempersoal dan mengecam tindakan Nga Kor Ming tersebut karena beliau tidak berhak berbuat demikian.⁵³ Menurut mufti dari Negeri Perlis pula, Dr. Juanda Jaya berkata Islam tidak melarang perbuatan tersebut tetapi perlu digunakan dalam keadaan yang sesuai.

Namun dalam maklum balas awal Tuan Guru Nik Abdul Aziz Nik Mat terhadap isu ini adalah tindakan Nga Kor Ming itu jelas membuktikan Islam berkembang kepada segenap masyarakat, sehingga orang bukan Islam mampu membaca ayat al-Quran.⁵⁴ Beliau juga berpendapat bahwa usaha dakwah Islam semakin berkembang baik terhadap masyarakat non-muslim. Dr. Azhar Yaakob yang merupakan lepasan ijazah kedoktoran dalam bidang dakwah di Jordan pula berpandangan bahwa orang muslim sewajarnya memberi galakan bukannya larangan begitu kepada golongan non-muslim.⁵⁵

Pada 2010 pula terdapat kasus berkaitan orang non-muslim masuk ke dalam masjid. Kejadian ini berlaku ketika ahli parlimen Teo Nie Ching menyertai satu majlis penyampaian bantuan kepada masyarakat yang bertempat di Surau al-Huda, Kajang Sentral di Selangor.⁵⁶ Kasus ini telah mendapat perhatian ramai dan pelbagai bantahan dari banyak pihak. Ini menyebabkan ahli parlimen berkenaan tampil memohon maaf secara terbuka. Namun secara jelas dan terang, Tuan Guru Nik Abdul Aziz Nik Mat menyatakan tidak salah untuk orang bukan Islam masuk ke dalam masjid karena pendekatan itu merupakan antara kaedah yang diguna oleh Nabi Muhammad SAW dalam menyampaikan mesej dakwah.⁵⁷ Menurut beliau lagi kasus ini diperbesar karena terdapatnya unsur-unsur politik dan meletakkan perbezaan agama sebagai sasaran. Tuan Guru Nik Abdul Aziz Nik Mat juga begitu tegas dalam kasus ini bahwa ia bukanlahlah satu kesalahan bagi non-muslim untuk masuk ke masjid malah ia lagi membantu dalam perkembangan dakwah.

Pandangan Tuan Guru Nik Abdul Aziz Nik Mat turut disokong oleh mantan mufti Negeri Perlis, Dr. Asri Zainal Abidin. Beliau turut menyatakan bahwa masyarakat sewajarnya meluaskan fungsi masjid supaya dapat menyampaikan dakwah Islam kepada semua pihak termasuk non-muslim. Bahkan beliau juga mengkritik sebagian rakyat Malaysia yang berpendirian radikal dalam mengeluarkan sesuatu pandangan.⁵⁸

⁵³ Ibid. hlm. 124 .

⁵⁴ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 125.

⁵⁵ <http://arkib.harakahdaily.net/arkibharakah/index.php/arkib/berita/lama/2009/4/20359/sepatutnya-bersyukur-bukan-islam-ungkap-ayat-quran-dr-azhar-yaakob.html>

⁵⁶ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 128.

⁵⁷ <http://arkib.harakahdaily.net/arkibharakah/index.php/arkib/berita/lama/2010/8/28432/keindahan-islam-masjid-untuk-semua.html>

⁵⁸ Mohd Aizat Mohd Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*, (PTS Publishing House, 2011). hlm. 131.

Jelas konsep dakwah yang diketengahkan oleh Tuan Guru Nik Abdul Aziz Nik Mat tampaknya berhasil. Hal ini karena beliau percaya tumpuan utama kepemimpinan ialah hati manusia. Maka kita sewajarnya menjaga hati karena hati ini sengaja Allah ciptakan untuk diisi dengan baik dan buruk. Apabila kita mampu menjaga hati manusia, dengan secara langsung ekonomi manusia, sosial manusia, budaya manusia dan akidah manusia semuanya terjaga.⁵⁹

2. Kemiskinan

Tuan Guru Nik Abdul Aziz Nik Mat mempunyai pandangan tersendiri terhadap kemiskinan. Beliau percaya kemiskinan itu adalah satu daripada penyakit manusia yang sentiasa berlaku. Beliau juga mendefinisikan kemiskinan sebagai ketidakupayaan manusia untuk mencapai tahap keperluan individu dan tanggungannya.⁶⁰ Dalam konsep Islam, Tuan Guru Nik Abdul Aziz Nik Mat melihat orang miskin itu sebagai manusia yang tidak mampu memenuhi bahkan tahap keperluan yang paling minimal atau dalam bahasa lainnya keperluan tahap *dharuriyat*.⁶¹

Kata Tuan Guru Nik Abdul Aziz Nik Mat pada 1991, membasmi kemiskinan adalah satu perkara yang berada di luar kemampuan manusia karena ia ciptaan tuhan yang mesti diterima oleh manusia. Kemiskinan itu tidak boleh dibasmi tetapi hanya boleh dikurangkan.⁶² Beliau juga menegaskan bahwa kemiskinan tidak boleh dilihat secara sehalu saja. Kemiskinan itu ada dua dimensi, kemiskinan jasmani dan juga kemiskinan rohani.⁶³ Malah komitmen beliau adalah untuk menangani kedua-dua jenis kemiskinan ini.

Pembangunan adalah suatu aspek yang harus diambil berat apabila membahaskan berkaitan kemiskinan. Hal ini karena pembangunan dilihat sebagai penyelesaian kepada masalah kemiskinan. Namun ide pembangunan yang dikatakan oleh Tuan Guru Nik Abdul Aziz Nik Mat cukup unik. Beliau percaya kepada konsep pembangunan yang syumul atau menyeluruh.⁶⁴ Perlu ada keseimbangan antara pembangunan jiwa dan material. Pemikiran beliau ini turut dibawa di dalam pemerintahannya di Kelantan. Ideologi Membangun Bersama Islam jelas membuktikan Tuan Guru Nik Abdul Aziz Nik Mat tidak hanya menumpukan kepada pembangunan material malah juga pembangunan kerohanian.

3. Konsep Ulama' dan Umara'

Ulama' adalah kosa kata yang diambil dari bahasa arab yaitu *ilmu* yang membawa maksud orang yang berilmu.⁶⁵ *Umara'* pula adalah kosa kata dari *amir* yang membawa

⁵⁹ Nik Abdul Aziz Nik Mat, *Bicara Ini Demi Ilahi*, (Karya Bestari Sdn Bhd & Grup Buku Karangkrif, 2013). hlm. 19.

⁶⁰ Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm. 136.

⁶¹ Ibid. Hlm. 136.

⁶² Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm. 136.

⁶³ Ibid. hlm. 136.

⁶⁴ Ibid. Hlm. 138.

⁶⁵ Abd. Rauf Dato' Haji Hassan, *Kamus Bahasa Melayu-Bahasa Arab*, (Oxford Fajar Sdn.Bhd, 2005). hlm. 92.

maksud pemimpin atau pemerintah. Secara ringkasnya *ulama'* membawa maksud ilmunan atau agamawan dan *umara'* membawa arti pemerintahan. Maka arti secara umumnya adalah agama dan politik.

Islam tidak pernah memisahkan agama dengan kehidupan. Konsep Islam yang bersifat syumul merangkumi segala aktivitas kehidupan sehari-hari manusia bahkan dalam aspek pemerintahan dan politik. Islam juga tidak pernah mewujudkan tembok pemisah antara *ulama'* dan *umara'*. Oleh karena itu, tanggapan bahwa *ulama'* hanya layak berperanan di masjid-masjid dan *umara'* lah yang memerintah negara secara mutlak merupakan pemahaman yang salah dari rangka kesyumulan Islam. Hal ini jelas diperakui sendiri oleh Nabi Muhammad SAW yang turut menterjemahkan Islam sebagai *ad-Deen* atau sistem kehidupan manusia tidak kira dari segi kerohanian, ibadat, pemerintahan, politik, ekonomi, sosial dan sebagainya.⁶⁶

Begitulah yang dilakukan oleh Tuan Guru Nik Abdul Aziz Nik Mat dalam menguruskan pemerintahan di Kelantan. Beliau tidak pernah memisahkan urusan agama dalam politik beliau. Misalnya dalam bidang pendidikan di Kelantan, selain mendirikan Yayasan Islam Kelantan (YIK) seperti yang dibahaskan di bab sebelumnya Tuan Guru Nik Abdul Aziz Nik Mat juga banyak menampilkan jasa seperti menambah pengajar-pengajar agama, mendirikan Maahad Tahfiz Sains, mendirikan Kolej Islam Antarabangsa Sultan Ismail Petra (KIAS) dan Maahad Tahfiz Al-Quran, Pulau Chondong. Beliau juga membangunkan Pusat Pembangunan Pondok Berhad serta Kolej Pondok Darul Naim, Pasir Tumbuh.⁶⁷ Peranannya dalam bidang pendidikan juga jelas tidak terpisah dari didikan-didikan berunsurkan Islam.

Peranan Tuan Guru Nik Abdul Aziz Nik Mat juga masih tidak memisahkan agama dalam urusan pemerintahan dan pengurusan. Selain yang dibahaskan dalam bab sebelumnya, beliau juga merencanakan Tabung Serambi Mekah, memperkenalkan Hospital An-Nisa' di mana ini adalah rumah sakit bersalin yang dikendalikan petugas wanita. Selain itu, beliau melaksanakan Rumah Dhuafat untuk rakyat miskin, menutup pusat judi dan melarang arak dijual di kawasan terbuka. Beliau juga memperkenalkan kasir pembayaran berasingan bagi lelaki dan perempuan, menguatkuasakan etika berpakaian serta mengawal hiburan di Kelantan.

Beliau juga mendirikan hotel dan bangunan berkonsepkan Islam, membina Baitul Taubah yaitu pusat pemulihan narkoba berteraskan Islam. Beliau juga meningkatkan aktivitas dakwah melalui jabatan dan agensi kerajaan, menambahkan peruntukan Majlis Agama Islam Kelantan (MAIK). Tuan Guru Nik Abdul Aziz Nik Mat jugalah orang yang berjaya mengembalikan martabat tulisan jawi di Kelantan. Beliau juga telah mengisytiharkan bandar

⁶⁶ Asyraf Wajdi Dusuki, *Politik Islam Dan Melayu*, (Yayasan Dakwah Islamiah Malaysia, 2014), hlm. 201.

⁶⁷ Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat*, (PTS Publishing House, 2015). hlm. 173.

Kota Bharu sebagai bandar raya Islam. Melalui langkah ini agama Islam bahkan tidak asing lagi di bumi negeri Kelantan.⁶⁸

Umara' yang terbaik adalah seorang pemimpin yang senantiasa meletakkan Islam sebagai dasar utama pemerintahan. Islam yang telah disampaikan oleh Rasulullah SAW diibaratkan seperti air hujan yang turun dari puncak bukit, sifatnya suci dan bersih.⁶⁹ Bagi mengekalkan kejernihan itu perlulah ditapis setiap waktu dengan tapisan syar'ie. Oleh karena itu Tuan Guru Nik Abdul Aziz Nik Mat secara tegasnya menolak unsur-unsur riba' daripada sistem ekonomi Kelantan. Walaupun majoritas pemimpin kini yang nyata sukar mengasingkan cara ini daripada sistem ekonomi. Namun tidak kepada beliau yang percaya riba' ini adalah antara racun yang boleh mendatangkan kemudaratannya kepada institusi kemasyarakatan.⁷⁰

4. Politik Sebagai Jalur Dakwah

Setelah terdirinya organisasi Penubuhan Bangsa-bangsa Bersatu (PBB) berserta pengaruhnya, semua gergasi penjajah barat terpaksa pulang ke negeri masing-masing. Kebanyakan negeri-negeri Islam telah memperoleh kemerdekaan termasuklah Mesir dan Tanah Melayu. Mulai dari itu fahaman Islam semakin meluas, syiar agama semakin berkembang. Akhirnya lahirlah politik Islam yang muncul secara bertahap sehinggalah masuk ke rantau nusantara termasuklah Malaysia.⁷¹

Politik Islam di Malaysia berkembang melalui parti Parti Islam Se-malaysia (PAS) khususnya dan membawa agenda yang berunsurkan islamisasi. Pada peringkat awal, para pemimpin PAS telah memberi kepada masyarakat yang pada hakikatnya tidaklah berunsurkan Islam malah hanya berkonsepkan semangat nasionalis dan kebangsaan,⁷² Pulangnya Tuan Guru Nik Abdul Aziz Nik Mat ke tanah air daripada Mesir pada 1962 menyedari bahwa ucapan-ucapan pemimpin PAS ketika itu hanya berbaur semangat kebangsaan.

Setelah 1969, parti PAS meneruskan gerak kerja yang bukan saja menyebarkan satu teori semata-mata tetapi ia turut menjalankan dasar-dasar agama. PAS mulai menterjemah buku-buku yang dikarang oleh pejuang Islam seperti Syed Qutb, Abu al-A'la al-Maududi dan sebagainya. Hasilnya gerakan politik Islam berjaya membawa angin perubahan ke dalam parti ini.

Episod Mei 1969⁷³ memberi impak yang cukup signifikan terhadap rakyat Malaysia dan pucuk pimpinan dari setiap parti. Isu perkauman turut menjadi isu yang sensitif di kaca

⁶⁸ Ibid. hlm. 177.

⁶⁹ Nik Abdul Aziz Nik Mat, *Bicara Ini Demi Ilahi*, (Karya Bestari Sdn Bhd & Grup Buku Karangkrak, 2013). hlm. 270.

⁷⁰ Ibid. hlm. 272.

⁷¹ Tuan Guru Dato' Nik Abdul Aziz Nik Mat, *Kemuncup Dalam Perjuangan*, (Anbakri Publika Sdn Bhd, 2009, hlm. 10.

⁷² Ibid. Hlm. 11.

⁷³ 13 Mei 1969 adalah peristiwa hitam di Malaysia yaitu perbalahan sehingga mengakibatkan pertumpahan darah antara kaum Melayu dan Cina setelah Pilihan Raya Umum (PRU) pada 10 Mei 1969.

mata masyarakat ketika itu. Setiap pimpinan khususnya partai UMNO⁷⁴ yang memerintah Malaysia ketika itu mulai memikirkan pelbagai solusi agar isu perkauman tidak lagi menjadi sebuah kenangan hitam dalam sejarah kemelayuan di Malaysia. Bagi tujuan untuk menyelamatkan keadaan yang semakin sulit ketika itu, partai PAS menyertai UMNO pada 1974.

Secara signifikan partai PAS dan UMNO adalah partai yang sangat tidak sehaluan dan sering berbeda pandangan serta berselisih ideologi. PAS adalah sebuah partai yang jelas memperjuangkan dasar-dasar agama dan menjunjung tinggi nilai-nilai Islam dalam pergerakan politik. Sedangkan menurut Tuan Guru Nik Abdul Aziz Nik Mat, pemikiran UMNO adalah tidak berasaskan tauhid yang bersih serta memisahkan antara agama dan politik secara jelas.⁷⁵ Maka ini jelas sangat bertentangan dengan fikrah yang dibawa oleh partai PAS yang diterajui oleh Tuan Guru Nik Abdul Aziz Nik Mat.

1974 dilihat sebagai keperluan partai PAS menyertai UMNO untuk memelihara ketuanan Melayu dan mengelakkan perpecahan khususnya bagi ras Melayu sendiri. Hal yang lebih menarik berlaku dalam arus sistem politik Malaysia apabila pada 1978 PAS disingkirkan dari UMNO akibat menolak akta Darurat (Kelantan) 1977 karena terjadi krisis di Kelantan. Ini juga menjadikan sejarah hitam kepada partai PAS apabila disingkirkan daripada UMNO walhal ketika 1974 itu adalah permintaan daripada partai UMNO untuk menyelamatkan krisis perkauman. Hal ini juga mengakibatkan PAS mengalami kekalahan teruk pada Pilihan Raya Umum (PRU) 1978 ketika itu. Ini menyebabkan struktur organisasi PAS khususnya di Kelantan disusun semula pada semua tahap.

Pengalaman memberi seribu pengajaran hidup. Begitu juga yang dirasakan oleh Tuan Guru Nik Abdul Aziz Nik Mat selaku Mursyidul Am PAS apabila isu politik PAS ingin bersatu semula bersama partai UMNO ditimbulkan kembali dengan istilah Muzakarah.⁷⁶ Beliau dengan tegasnya akan menghentikan Muzakarah jika partai UMNO masih lagi enggan menerima dasar Islam. Beliau juga menegaskan bahwa Muzakarah antara PAS dan UMNO dianggap tidak perlu bagi mengelakkan kekecewaan ramai pihak. Walaupun terkesan dengan tindakan UMNO pada 1978 yang lalu, namun Tuan Guru Nik Abdul Aziz Nik Mat masih mampu berfikir secara rasional demi melihat politik digunakan sebagai jalur dakwah kepada masyarakat.

Namun Menteri Besar Kelantan itu juga masih membenarkan pertemuan antara pemimpin PAS dan UMNO berkaitan Islam dan masalah rakyat. Walaupun berbeda ideologi namun tetap berganding untuk menyelesaikan isu dan masalah bersama-sama. Menurut beliau lagi sebagai muslim, PAS wajib bersuara agar hak dan keadilan Islam tidak terabai.

⁷⁴ United Malays National Organizations (UMNO) didirikan pada 11 Mei 1946. Fadilah Zaini, *Pembangunan Politik Dalam Hubungan Etnik, Hubungan Etnik di Malaysia; Perspektif Teori dan Praktik*, (2009). hlm. 127.

⁷⁵ Tuan Guru Dato' Nik Abdul Aziz Nik Mat, *Kemuncup Dalam Perjuangan*, (Anbakri Publika Sdn Bhd, 2009). hlm. viii.

⁷⁶ Muzakarah adalah istilah yang merujuk kepada perjumpaan antara partai PAS dan UMNO untuk bersatu semula di bawah pimpinan UMNO. Tuan Guru Dato' Nik Abdul Aziz Nik Mat, *Kemuncup Dalam Perjuangan*, (Anbakri Publika Sdn Bhd, 2009). hlm. 43.

Prinsip inilah yang diputuskan oleh Majlis Ulama' Syura di mana Timbalan Presiden dan Ketua Pengarah Jabatan Pilihan Raya PAS Pusat, Dato' Mustafa Ali bertemu dengan pemimpin UMNO bagi membincangkan isu-isu berkaitan.⁷⁷

Beliau pernah berucap di Muktamar Dewan Ulama' PAS Kelantan ke-37 di Machang dengan mencadangkan bahwa partai UMNO dan PAS dibubarkan serta mendirikan sebuah partai baru yang berlandaskan Islam bagi menyatukan orang Melayu dan sebagai tempat berlindung kepada semua pihak termasuk bukan Islam.⁷⁸ Hal ini karena beliau menyifatkan Islam menepati semua matlamat perjuangan termasuk politik dan ia perlu dijadikan asas kepada semua partai politik yang inginkan kepada perjuangan sebenar. Melalui kenyataan ini jelas tampak bagaimana dasar pemikiran yang diutamakan oleh beliau sendiri yang ternyata bukan subjektif terhadap semangat partai namun hanya optimis kepada gerakan politik Islam.

Kesimpulan

Akhirnya, penulis berhasil menemukan corak pemikiran Tuan Guru Nik Abdul Aziz Nik Mat dari berbagai sudut. Antaranya ialah konsep dakwah, tokoh pemimpin Kelantan ini jelas pemikirannya untuk mengembalikan martabat agama Islam dengan sewajarnya di sisi sebuah pengurusan kerajaan negeri Kelantan. Selain itu, beliau juga ada membahaskan perihal konsep kemiskinan yang melanda masyarakat kini. Terakhir, beliau membahas politik sebagai jalur dakwah dan konsep ulama' dan umara'. Konsep ini jelas memberi arti bahwa para pemimpin (*umara'*) dan para ilmunan (*ulama'*) seharusnya sejajar demi membina peradaban agung pada masa yang akan datang.

Daftar Pustaka

- Abas & Tun Mohammad Salleh, *Prinsip Perlembagaan dan Pemerintahan di Malaysia*, (Dawarna Sdn. Bhd., 2006)
- Ahmad Ali Nurdin, *Islamic Political Parties And Democracy: A Comparative Study of Pks in Indonesia and Pas in Malaysia (1998-2005)*, (Desertasi National University of Singapore, 2009)
- Ahmad Mawardi Bin Abdullah, *Kebijakan Politik Islam Nik Abdul Aziz Nik Mat di Kelantan Tahun 1990-2008*, (Skripsi Universitas Islam Negeri Syarif Hidayatullah Jakarta, 2009)
- Ahmad Noor, *Islam Embedded: The Historical Development of the Pan- Malaysia Islamic Party PAS*, Volume 2
- Asyraf Wajdi Dusuki, *Politik Islam dan Melayu*, (Yayasan Dakwah Islamiah Malaysia, 2014)
- Che Shamsudin Othman, *Kelantan 22 Tahun Bukti Kejayaan*, (Kaab Enterprise, 2013)
- Colin MacAndrews & Mohtar Mas'ud, *Perbandingan Sistem Politik*, (UGM Press, 2008)
- Dominik M. Mueller, *Islam, Politics and Youth in Malaysia: The Pop-Islamist Reinvention of PAS*, (Roudledge Contemporary Southeast Asia Series, 2014)

⁷⁷ Tuan Guru Dato' Nik Abdul Aziz Nik Mat, *Kemuncup Dalam Perjuangan*, (Anbakri Publika Sdn Bhd, 2009). hlm . 60.

⁷⁸ Ibid. Hlm. 63.

- Fadilah Zaini, *Pembangunan Politik Dalam Hubungan Etnik, Hubungan Etnik di Malaysia; Perspektif Teori dan Praktik*, (2009)
- H. Abu Daud Busroh, *Ilmu Negara*, (Bumi Aksara Jakarta, 1990)
- Mohamed Sabir Jamaludin, *Konsep Negara Islam Tuan Guru Dato' Nik Abdul Aziz Nik Mat*, (Skripsi Universitas Islam Negeri Sultan Syarif Kasim, 2011)
- Mohd Aizat Salleh Al-Hafiz, *Pemikiran Tuan Guru Nik Abdul Aziz Nik Mat dalam Kenangan*. (PTS Publishing House Sdn. Bhd., 2011)
- Muhammad Agus Yusoff, *Politik Kelantan setelah 1990*, (Institut Alam dan Tamadun Melayu, Universiti Kebangsaan Malaysia, 1994)
- Muhammad Azhar, *Filsafat Politik; Perbandingan antara Islam dan Barat*, (PT RajaGrafindo Persada, 1997)
- Nik Abdul Aziz Nik Mat, *Bicara Ini Demi Ilahi*, (Karya Bestari Sdn Bhd & Grup Buku Karang kraf, 2013)
- Nik Abdul Aziz Nik Mat, *Kemuncup Dalam Perjuangan*, (Anbakri Publika Sdn Bhd, 2009)
- Sassuliza Bt Muhmad, *Tuan Guru Dato' Haji Nik Abdul Aziz Nik Mat: Tokoh Pendakwah dan Politik Islam Negeri Kelantan (1967-2204)*, (Skripsi Universiti Malaysia Sabah, 2009)
- Shaharir Mohamad Zain, *Kepemimpinan Tok Guru Nik Aziz; Mengikut Pandangan Sarjana Kepemimpinan Besar Sepanjang Zaman*, (Kaab Enterprise, 2013)
- Shukeri Mohamad & Mohamad Azrien Mohamed Adnan, *Tok Guru Nik Aziz Pencetus Siasah Syar'iyah Dalam Sistem Politik Moden*, (Muzakarah Fiqh & International Fiqh Conference 2016)
- Syarafuddin Sulaiman, *Dia Bukan Lelaki Biasa; Tuan Guru Nik Abdul Aziz Nik Mat* (PTS Publishing House Sdn. Bhd., 2015)
- Tunku Abdul Rahman Putra Al-Haj ibni Al-Marhum Sultan Abdul Hamid Kedah, *Sebelum dan Selepas 13 Mei*, (Penerbitan Utusan Melayu Berhad, 1969)